

DANTZAN BILAKA 2023-2024 PROGRAMAREN BATZORDE ARTISTIKOKO KIDE IZATEKO ERRELEBO DEIALDIA

NORI ZUZENDUA Euskadiko dantzaren eta koreografia-sorkuntzaren alorreko profesionalentzat. Hautagaitzak gauzatzeko, honako hauek bidali beharko dira: curriculuma eta motibazio-gutuna. Beharrezkoa bada, elkarrizketa pertsonalak egingo dira.

DEIALDIA Deialdi honek, Dantzan Bilakaren 2023ko eta 2024ko edizioetarako koordinazio taldea txandakatzea du helburu. (ikusi beheerago eskaera)

AURREKARIAK 2021eko edizioaz geroztik, Dantzan Bilakaren programa bi pertsonako batzorde artistiko batek eta ADDEren bulegoak osatutako taldeak koordinatzen du. Horiek arduratzen dira programa posible egiten duten lan guztiez. "Laguntza eta koordinazioko" batzorde hori programa egituratzen duten koordinazio eta diseinu lanez arduratzen da, bai eta programan garatutako sormen-prozesuen jarraipenaz ere. Batzorde horrek errotazio sistema bati jarraitzen dio, eta, horri esker, pertsona berriak pixkanaka sartzen dira, Dantzan Bilakaren koordinazioan aurretiko esperientzia duen talde bat bermatzen delarik.

2022ko edizioan, Ibon Salvador eta Maia Villot izan dira batzorde artistikoko kideak.

Duela bost ediziotik hona, jardunaldiak lurralde bakar batean biltzen dira, eta, horrela, programa urtero EAEko hiru hiriburuetara zabaltzea planteatzen da. 2022an DB Donostiako Tabakaleran izan da eta 2023ko hurrengo edizioa Bilboko Azkuna Zentroan izango da.

Txanda-deialdi honen helburua batzorde artistikorako kide berri bat hautatzea da, Maia Villotek eta ADDEren bulegoak osatzen duten egungo eraketari gehituko zaiona.

LANERAKO BALORATZEN DIREN EZAUGARRI OROKORRAK:

- Sormen koreografikoaren arloan esperientzia egiaztatua.
- Proiektuak eta ideiak aztertzeko, hausnartzeko eta egituratzeko gaitasuna.
- Bizilekua Euskadin izatea. Aurrez aurreko eta online topaketetarako prestasuna.
- Egutegi pertsonalean ordutegi malgutasuna eta doaikuntza.
- Esperientzia proiektuak ekoizteko zereginetan.
- Taldeak koordinatzeko gaitasuna.
- Programaren komunikazio-gaitasuna (idatzizkoa eta ahozkoa) eta aurkezpen publikoa.
- Dantzaren sektoreak Euskadin gaur egun duen egoera ezagutzea.
- Euskal Herriko dantzaren testuinguruarekiko interesa, gogoeta, konpromisoa eta erantzukizuna.
- Euskararen ezagutza (ahoz eta idatziz) eta jarioa hizkuntzan.

DANTZAN BILAKA BATZORDE ARTISTIKOAREN BARRUAN BETE BEHARREKO ARDURAK ETA ZEREGINAK:

DB (Dantzan Bilaka)ren eginkizunen garapenak eta betearazpenak batzordearen bi kideen eta ADDEko bulegoko 2 kideen artean banatuko dira, beti ere, EJ-rekin eta jardunaldiak jasoko duen espazioarekin elkarriketan.

Dantzan Bilaka programa diseinatu, koordinatu eta gauzatzeak lau lan-arlo biltzen ditu eta arlo horiei lotutako zereginak batzorde artistikoaren eta ADDEren bulegoaren artean banatzen dira:

1. LAGUNTZA ARTISTIKOA:

Laguntza artistikoaren ezaugarri espezifikoak:

- Urtero beka jasotzen duten 7 proiektuen kontzeptuak, material koreografikoak, eszenaratzea, mugimendu-praktikak eta dramaturgia garatzen laguntzea.
- Jardunaldietan proiektua aurkezteko moduari buruzko gogoetan laguntzea. Mentoringak eta feedbackak.
- Proiektua webgunean eta eskuko programan islatzeko moduari buruzko gogoetan laguntzea.
- Proiektu artistikoaren berezitasunak jakinaraztea batzordeko gainerako kideei, koordinatzaile teknikoari eta aurkezpen-guneen arduradunari.

2. ESPAZIOAK ETA TEKNIKA

Ikus-entzunezko erregistro-materialaren, teknikaren eta aurkezpen-espazioen koordinazioa. Lan hori espazioaren arduradunarekin, teknikariaren arduradunarekin eta ikus-entzunezko dokumentazioaren arduradunarekin koordinatuta egingo da.

3. WEBGUNEA ETA KOMUNIKAZIOA

DB-ren webgunea koordinatzeak edukiak artatzeko eta lan hori egiten duten pertsonak (sortzaileak, diseinatzaile grafikoa, itzultzailea...) eta faseak koordinatzeko gaitasuna dakar. Hauek dira zeregin nagusiak:

- Agerkaria, batzordearekin eta diseinua egingo duen pertsonarekin koordinatu hartu-eman zuzenean.
- Agerkarirako behar diren materialen bidalketaren jarraipena egin.
- Eskuko programak eta kartelak banatzeko zerrenda ikuskatu.
- Programaren prensa dosierra eta presntsa oharra idatzi.
- Eskuko programaren sarrerako testua idatzi (batzordearekin elkarrizketan)
- Eskuko programaren diseinua eta argitalpena koordinatu.
- Komunikazioari buruzkoak koordinatu: Komunikabideak, prentsa...
- Programaren prentsaurrekoa prestatu eta aurkezpena burutu.
- Aurkezpenen ikus-entzunezko dokumentazioa koordinatu.

4. EKINTZA PARALELOAK

Gaur egun Dantzan Bilakaren hiru aldi artistikoen eta azken jardunaldien inguruan eratzen diren jarduera paraleloak diseinatzea, ekoiztea eta koordinatzea.

5. ITXIERAKO LANAK / AZKEN EBALUAKETA

Urteko ekintzei itxiera emateko behar diren eginkizunak. Honakoak izango dira:

- Programaren koordinaketaren barne ebaluaketa.
- Partaideekin ebaluaketa bilera edo galdeketa.
- Batzorde berriarentzako deialdiaren idazketa.
- Batzordeko kide berriren hautaketa prozesuan parte hartzea.

6. PROGRAMAREN ORAINA ETA ETORKIZUNA HAUSNARTU.

Eginkizun honek, programaren etorkizuneko hobekuntzaren konpromisoan programaren edukiaren berrikuste lanak eta prozesu elementuen inplementazio zereginak jasotzen ditu.

Eginkizun hori, oinarritzko soldatatik kanpo ordainduko da.

7. BESTEAK. 2024 DANTZAN BILAKA PROGRAMAREN DEIALDIA:

- Deialdia idaztea.
- Deialdia argitaratzea.
- Dantzan Bilaka 2024 programaren proiektuak hautatzea. (Lan hori oinarrizko soldatatik kanpo ordainduko da.)

ESKAERA

Konpromisoak 2 urte hartzen ditu: DB 2023 eta DB 2024 edizioak.

Edizio bakoitzeko lan-denboraldia, urtarriletik abendura bitartea izango da.

BITARTEKO TENPORALAK

Gutxienez hilean bi bilera. Bilera horiek batzorde artistikoko kidearekin, ADDEren bulegoarekin edo batzordearekin edo jardunaldiak jasotzen dituen espazioaren arduradunekin izan daitezke. Etengabeko erabilgarritasuna posta elektronikoko bidezko harremanean (mezuen erantzunak).

EGOITZAKO ASTEETAN ETA 2023 PROGRAMAREN HASIERAKO AURKEZPENEAN AURREZ AURRE EGOTEKO BETEBEHARRA:

Urtarrilaren 27a, ostirala, aurkezpen-bilera eta 2023ko programari hasiera ematea.

Martxoaren 6tik 11ra, egoitza Azkuna Zentroan.

Ekainaren 12tik 18ra, egoitza Azalan.

Irailaren 11tik 15era, egoitza Azkuna Zentroan.

Urriaren 6, 7, 8 Jardunaldiak Azkuna Zentroan.

SOLDATA 7.900 euro + BEZ

Faktura bidez, urteko azken hiruhilekoan.

Oharra

Dantzan bilaka 2024 programako proiektuak hautatzeko lana eta 2023ko edizioko dieten, bidaien eta ostatuen gastuak ez daude jasota jaso beharreko soldatan, eta gehigarri bezala ordainduko da.

**DANTZAN BILAKA 2023-2024
BATZORDE ARTISTIKOKO
KIDE IZATEKO
ERRELEBO DEIALDIA**



BIDALI BEHARREKO ESKAERA

Honako helbidera bidali behar da: info@addedantza.org

- CV (ibilbide artistikoa eta proiektuen kudeaketan eta koordinazioan izandako praktika aipatuz)
- Motibazio gutuna.
- 2023 egutegiaren erabilgarritasuna.

EPEAK

- Eskaerak bidaltzeko: Azaroaren 7tik 30era.
- Hautaketa jakinaraztea Abenduaren 19ko astean.